



Nuuk, 20. Oktober 2015

Inatsisartut Suleriaasianni § 37 naapertorlugu Naalackersuisunut imaattumik apeqquteqarpunga.
(Inatsisartunut ilaasortaq Agathe Fontain, Inuit Ataqatigiit)

Apeqqutit:

- 1. Ilumoorpa Namminersorlutik Oqartussat umiarsualivinnut pilersaarut pillugu tusarniaasimasut upernaag 2015-imi?**
- 2. Ilumoorpa Kangerlussuup talittarfissaanik sanaartornissamik pilersarusiamik umiarsualivinnut pilersaarut imaqartoq?**
- 3. Naalackersuisut paasissutissiissutigisinnaanerlugu, soq umiarsualivinnut pilersaarut Inatsisartunut ukiaanerani ataatsimiinnermi saqqummiunneqannginnersoq, kiisalu soq aningaasaqarnermut inatsimmi ilanngunneqarsimanngitsoq?**
- 4. Ilumoorpa, Namminersorlutik Oqartussat mittarfiliornissamut pilersaarutip missingersuutaa pillugu tusarniaasimasut upernaakkut 2014-imi?**
- 5. Ilumoorpa, mittarfiliornissamut pilersaarutip missingersuutaa mittarfinnik 1.199 meter-inik takissusilinnik Qaqortumi, Tasiilami, Ilulissani Nuummilu sanaartornissamik pilersaarummik imaqartoq?**
- 6. Naalackersuisut paasissutissiissutigisinnaanerlugu, mittarfiliornissamut pilersarusiaq naammassisimanersoq?**
- 7. Naalackersuisut paasissutissiissutigisinnaanerlugu, soq Naalackersuisut ukiaanerani ataatsimiinnissamut siunnersuuteqarsimanersut "mittarfinnik pilersarusiornissamut sanaartornissamullu Naalackersuisut peqquneqarnissaannik Inatsisartut aalajangiiffigisassaa"-nnik Inatsisartut periarfisseqqaarnagit sanaartornissamik pilersaarut inaarneqarnikoq atuarnissaanik?**
- 8. Oqaaseqaat eqqartorneqangaatsiartoq Kangerlussuup mittarfiata nutarterneqarnissaanut missingersuusuaq, Naalackersuisut saqqummiullugu nassuiaassinnaanerlugu?**

9. Naalakkersuisut paasissutissiissutigisinnaanerlugu, kiap Kangerlussuup mittarfiata nutarterneqarnissaanut missingersuusiaq suliaralugulu suliarilluarneqarneranillu isumannaarisuusimanersoq?

10. Naalakkersuisut paasissutissiissutigisinnaanerlugu, siunnersortit sorliit nunap ilua qeriuannartoq pillugu ilisimasallit Kangerlussuup mittarfiata nutarterneqarnissaanut missingersuut suliarilluagaaneranik isumannaarisuusimanersut?

11. Naalakkersuisut assingusumik oqaaseqaatiliorsimanerlutik Nuummi mittarfiup nutarternissaanut aningaasartuutissat pillugit, taassumap ataani pilersuinermi illuutit illorsuillu Nuummiittut nutarterneqarnerisa aningaasartuutissaat?

12. Taamaangippat Naalakkersuisut missingersuisinnaanerlutik Nuummi nutarterinerit eqqaaneqartut aningaasartuutissaat pillugit?

Tunggavilersuut:

Qeqqata Kommunia nutaamik tulattarfiliorpoq Sisimiuni, turisteqarnikkut ineriartortitsinermi kinguneqarluartumik, Namminersornerullutillu Oqartussat upernaag aaliangerput Nuummi tulattarfiliortoqassasoq nutaamik. Saqqummiunneqartariaqarpoq tulattarfiit arlallit sanaartorneqarneri/ allisinneqarneri silatusaarnernerisut, inuussutissarsiornikkut ineriartortitsineq eqqarsaatigalugu. Naalakkersuisut pilersaarutigaat pilersaarusiussallutik sanaartussallutillu mittarfinnik nutaanik. Aningaasaliinissaq koruuninik milliardilinnik naleqassaaq, taamaakkaluartorli sanaartornissamat pilersaarusiortoqarsimanngilaq. Tusagassiutitigut Naalakkersuisut eqqaavaat Kangerlussuup mittarfiata nutarterneqarnissaanut aningaasat 2 mia. koruuniit tungaanut pisariaqartinneqassasut, nutarterinermilu nutartigassat tassaassasut mittarfik, illorsuit pilersuinernullu illuutit.

Ullut suliffiusut qulit iluanni apeqqutit tamakkerlutik akineqarnissaat qinnutigissavara.